

吳氏醫方彙編

吳杖仙手稿

目錄

總論

十二經絡部位歌

十二經絡引經藥歌

十二經所屬五

行歌

五善

七惡

收功萬全歌

秘傳口訣

飲食戒忌

陰症收口論

視症要訣

百會疽

頂門癰

額疽

鬚疽

顴疽

鼻疽

口齒舌症

咽喉

耳症

目症

項中疽

結喉癰

癰瘰

肩疽

夾肢癰

臑臂疽

手臂毒

鵝掌風

天蛇頭

代指

發背

附搭手陰陽症

叙

乾隆十一年余客吳子杖仙見求醫藥者盈門問之別曰曩嘗
病喉延醫不痊後獲秘方得愈遂殫心予人有求者推至賤隸弗
拒也遂輯余於室中見藥品皆自精製更云所採古今良方一
冊自序之云余文弁其首余懷古人云醫賤役也然誠能生死人
古之名醫如傳所稱秦越人陽慶倉公輩皆以濟世為心而不以
貨利為志故可貴也今別稍一窺方書即以疾試偶中遂沾沾自喜
自高其價有求者為不以賄注雖至交弗應也及藥投而斃非歸咎
於飲食即坐罪於寒暑勞碌而醜然不死嗚呼醫非可賤其名為
賤醫者端自若輩始之若杖仙者施藥於人一切丹砂珠珀熊膽射赤

之序費豈以數百計其所以為人滋洗敷治職惡漬爛人所望而掩
鼻眩目者而業此不疲施不望報詎非甘為賤以自成為可貴者乎故
樂為之序

弓高李基峻拜序

自序

醫小道也。況瘍醫特醫之一端。其不愈為難。難心技矣。予間有留心
靈素者。其於癰疽又都為不足。學不知臟腑。發於四肢皮膚。由於
氣血。內與外未始不相表裡。乙卯寅仲秋。余患舌疔。延醫調理。足
費時日。終未見痊。余師心自治。幸而獲愈。遂於斯道稍改意焉。竊以
以人身經絡部位。攸屬寒熱溫平。各異。余淺人也。何足以語此。每究
心而願學焉。特恐技淺才疎。以素朴管人。今之譏謔。將平日屢駭之方彙
集一冊。或者便於窮鄉僻壤云。

省

乾隆歲次甲子仲春既望書於晚香堂

安德吳北杖仙甫著

總論

竊謂瘍症不可詳舉治療毋得拘泥群書之言已綦繁矣余披讀之下
認症驗方辨經絡度位每畧有心會即援筆誌之將以去繁贅而就簡
便也大約稟梁之便足生疔毒血氣之患時生癰疽寒暑之異恒起癰
發蓋疽五臟所出癰發于六腑莫不原於心火癰無二種發非一症而皆
分乎陰陽寒濕搏而氣血凝陰滯乎陽也火熱盛而氣血沸陽滯乎陰
也苟內無積熱外無感觸血行脉中氣行脉外膏粱不能充其經寒暑
不得攻其絡諸瘍何自而來哉是知皮薄而赤腫火熱而微痛為火盛之徵
皮厚而堅腫微紅而弗疼為寒搏之象癰屬陽疽屬陰理所易明又有
色雖紅而不燥熱腫雖高而無潰膿乃陽症而帶陰分腫雖平而猶微

痛色雖淡而覺熱甚乃陰症而含陽氣此血鬱氣鬱之分症有難測
若夫奇疼恠痒竅迅竅速是為惡疔不着部位不關經絡為無名腫毒
赤腫頭尖而為癰平塌多孔而為發皆癰疽之別名症分輕重療有難易
不可一例論至於洗方灸法內用托消外用敷圍未潰透膿而穿毒既潰化腐
以生肌補血養氣瀉火祛寒人有壯弱時有寒暑症有表裏毒有輕重惟
遂人隨時按症而審明之不可拘定已見確乎成方有悞於始致悔於終也
夫

十二經絡部位歌

以臂貼身垂下大指居前小指居後定之歌曰

手足前廉屬陽明

後廉又屬太陽經

外廉少陽厥陰內

內前太陰後少陰

十二經絡引經藥歌

太陽羌活及防風

升麻白芷通陽明

太陰桔梗白芍藥

少陰獨活知母行

少陽厥陰同一性

柴胡青皮共川芎

更有桂膝並杜仲

手足耆腎用無窮

十二經所屬五行歌

甲木屬膽乙木肝

小腸丙火心丁觀

大腸庚金辛屬肺

胃乃戊土脾己看

膀胱壬水腎癸水

三焦附丙脬丁關

五善

服藥不嘔語音清
精神氣色皆依舊

七惡

服藥最忌是惡心
四肢沉重發渴甚
瘡疽已潰膿血臭
飲食不進全無味

收功萬全歌

瘡毒既盡須細玩
肌高於膏宜臣症

飲食如常脉和融
瘡疽雖險亦易平

喘粗脉息不調勻
精神恍惚睡昏昏
腹痛更見瀉利頻
病者見之難回春

肉芽肥紫用針穿
微瘡畧瘦能週全

瘡平如

否則天陰痛且痒
用藥不解此中竅

又歌

大瘡之後起小瘍
經絡微滯即外現
收口務要毒氣盡
鬻名只徒求功利

秘傳口訣

任君眼力與神全
按沉即起是黃水

更有癰疽突顯然
餘患難免不串邊

名曰應候最為詳
醫去方得無勞傷
餘毒不盡終徬徨
天良安得達上蒼

不用手按定不清
沉而緩起是槽膿

實而痛甚必是血

若氣堅實搃不疼

離手便知其中物

方見外科有別能

飲食戒忌

病疽之人當戒陰麪燒酒生冷油膩雞鵝魚腥之類羊肉猪首一切卵屬
瓜子木耳銀杏胡桃苜蓿茵莧戎芥秦椒等物更當慎起居節七情仍
忌孝服產婦經女巫尼進房室內常令馨香使其血氣流暢宜菜豆靠
枕隱伏其上竄能清心解毒墊一麪褥勝似錦被千床

陰疔收口論

凡陰毒潰爛至骨之候疔將愈口雖收而膿路不能遂斂者乃寒邪鬱結
而氣血不能運用耳須候毒氣盡時外用桑枝熨灋或豆豉炙灋再以紅

紅粉內加桂附人參為末敷之否則久變為漏慎之

視症要訣

凡看瘡症先分經絡明其陰陽察形觀色豫喻生死然後用藥當補當瀉不可稍遲以致有變如發熱頭痛惡寒惡風身體拘急邪在表也宜以化坐丸汗之或梅花點舌丹腫硬疼痛口渴便秘身熱舌乾甚至腹滿譫語邪在裡也宜下之以內疎黃連湯腫疼堅硬身重惡心小便赤澀邪在內也宜解之以黃連消毒散熈腫發熱疼痛有時飲食如常二便自調但不能速潰氣血弱也宜托之人參托裡散軟漫無膿微熱微赤不甚疼痛陽氣虛也宜補之以十全大補湯再兼病者善於調攝皆能奏效如初起高腫色赤作痛發熱漸長已成熈痛皮色光亮身溫便調已潰膿稠色

鮮不臭腐肉易脫腫痛遂減瘡口內外活潤潰後膿色稠黃血色鮮亮新
肉易生飲食漸進如此順症不治亦能自愈若陽症似陰指甲色青手足厥
冷脉沉有力者五利大黃湯救之至於陰症似陽腮腫紅猷未老白頭無膿
軟陷皮破無血肉綻斑爛肉腫瘡平頂窪根散水清無膿腐肉難脫色如猪
肝麻木不仁目珠直視或病久露神面忽如脂或如油膩塗抹唇白唇青耳黑
耳枯皆內敗外現之證大劑參附盡人事以聽天命矣更有瘡毒已盡而新
肉遂生肉芽形似魚鱗重叠相壓者雖膿血鮮亮神清氣爽百無一生然形
證多端片言難盡惟在醫者詳察要存一點仁心

百會疽

一名玉頂疽

此症生於巔頂百會穴屬督脉由真陰虧損虛陽上浮而成初起如粒頓

增痛楚寒熱大作七日有膿者生須當引火歸源宜七味地黄湯加八珍加減理之

六味地黄湯

治腎經不足發熱作渴小便淋秘氣壅疲嗽頭目暈眩眼花耳聾咽乾舌痛牙齒不固腰膝痿軟自汗盜汗諸血失音水泛為痰血虛煩燥瘰癧疽疔陽足跟作痛等症

大熟地

九蒸晒四錢

杭芎肉

酒潤去核二錢

山藥

二錢炒

粉丹皮

錢半酒洗

白茯苓

乳製錢半

澤瀉

去毛焙干一錢半

煉蜜為丸鹽湯送下

四君子湯

人參

白朮

雲苓

各二錢

粉朮

錢

姜朮為引

本方加陳皮半夏名六君子湯治氣血虛脾弱食少痰多再加香附砂仁名香砂六君子湯治虛寒胃冷或腹痛瀉泄本方加木香藿香

乾葛名七味白朮散治脾虛肌熱瀉泄作渴

四物湯

當歸

酒洗

熟地

各三錢涼血用生地

白芍

二錢酒洗

川芎

錢半

百會直頂同煎

六

水煎服本方合四君名八珍湯治氣血兩虛

頂門癰 一名佛頂疽

此症生於頂門上星穴屬膀胱經由臟腑陰陽不合火毒上壅而發也宜活命飲加芩連之劑虛者八珍加羌活等急治之若潰後黑陷神昏便閉變為不治之症

真人活命飲 治一切癰疽腫毒初起未消者

銀花 三錢 陳皮 去白 當歸 錢半 防風 七卜 赤芍 白芷 甘草節

川貝 花粉 乳香 各一錢 沒藥 二錢二味另 皂刺 五卜 山甲 三大片 蛤

去油 研候藥熟下 粉炒
用好酒煎毒在上飽服在下飢服善飲者多飲酒以行藥勢忌酸物飲收及鉄器

額疽

此症發於左右額角大小形如桃李乃胃經積熱也急以三黃散解其積熱輕者自消如潰見膿血者須斟酌用之

鬢疽

此症生於耳上髮際曲隅陷中屬肝膽二經由風熱血虛鬱怒所致若發熱作渴者用柴胡清肝散疼甚者活命飲加減然此際三焦之絡終於此斷不可妄用刀針

柴胡清肝散

柴胡

錢半

連翹

錢半

黃芩

錢半 炒

山梔

錢半 炒

川芎

錢

桔梗

半

甘草 五片 右水煎服

顴疽

額疽 鬢疽 額疽 鼻疽